

Ua fa'aotihia teie puta fa'ari'ira'a no te vauvau
i te parau no te Pū Ha'api'ira'a Huma Mero.

E rāve'a teie no te fa'a'ōhiera'a i te 'ohipa ia tae mai 'outou i te pū nei.

E ha'amāramarama mai 'o ia i te tā'ato'ara'a i ni'a i te orara'a i
te mau mahana ato'a e te mau peu matauhia i teie vāhi.



1. Te parau fārereira'a

E arata'i mātou ia 'outou.
Ua hau i te 30 matahitī tō mātou rohirā'a
E patu 'āmui tātou
i te tahī 'ōpuara'a faufa'a mau no tā 'outou tamari'i,
mā te fa'atura i tō na huru mau,
tō na 'ite e tō 'outou hina'aro.

2. E aha te Pū ha'api'ira'a huma mero-IIIME ?

E Fare hau tei ha'amauhia no te ti'a'aura'a i te tahiti tumu 'ohipa fa'ata'ahia ia au i te fa'aotira'a rahi N°2003-15 no te 09 tenuare 2003 i ni'a i te fa'anahora'a o te mau pū 'ohipara'a tōtiare.

Te ti'a'auhia nei teie Fare hau na te tahiti Tōmite Ti'a'au, tē peretitenihia ra e te fa'aterehau e ha'apa'o nei i te autaea'era'a.

E pū ha'api'ira'a huma mero 'aravihi 'o ia. No reira, e fare teie e ha'apa'o nei i te ti'amāra'a e te pārurura'a o te ta'ata, te auhō'ēra'a tōtiare, te orara'a tōtaiete, te araira'a i te pae-hō'ē-ra'a e te ha'amaita'ira'a i te mau hape tōtiare.

O Christian FOUET tō na ra'atira fa'atere.

Te rave nei teie pū i tā na 'ohipa i roto e 3 fare e hō'ē SESSAD (Tuha'a ha'api'ira'a ta'a'ē e te utuutura'a i te fare nohora'a) e vai nei i ni'a i te motu no Tahiti.

Te matara nei te 'uputa o te pū nei e 210 a'e mahana i te matahiti ia au i te tārena e fa'aotihia nei i te mau matahiti ato'a e tē tu'uhia atu i roto i tō 'outou rima.



3. Tei hea roa te vaira'a o te mau pū ?

→ Te vai nei te pū fa'aterera'a i Papeete i Fare UTE i muri ere i te Pū o te DGAE.


Te vai ra :

→ Te pū no **Te Ana Hau** i muri noa mai i te fare 'oire no Pirae.

→ Te pū no **Tearama** i Paea i te kirometera 25, pae mou'a.

→ Te pū no **Tamaruarri** i Tahiti iti, i ni'a noa mai i te fare 'oire no Taravao.

→ 'Are'a ra te **SESSAD**, te vai ra 'o ia i te vāhi o te Pū no Te Ana Hau e o te Pū no Tearama.



4. Te feiā e ō mai

- E oti i te pū nei i te ha'apa'o i te rahira'a e 210 tamari'i e te taure'are'a mai te 6 e tae atu i te 20 matahiti.
- Te ha'apa'o nei 'o ia i te mau tamari'i i Porinetia farāni nei, tei ro'ohia i te ma'i huma manava e te arata'ira'a ia rātou i te pae no te ha'api'ira'a, e te orara'a tōtiare na roto i te fa'ari'i-māite-ra'a ia rātou, e te fa'anahora'a i te aupurura'a tano e te feruri-māite-hia.

5. Hōē mahana i te pū ha'api'ira'a huma mero IIIME

E 7 taime faufa'a :

1. Te utara'a e te arata'ira'a i te tama mai te fare nohora'a i te pū fa'ari'ira'a,
2. Te fa'ari'ira'a,
3. Te fa'aineinera'a i te pae ha'api'ira'a, te utuutura'a e te fa'a'eta'etara'a tino, piha ha'api'ira'a farapati ...,
4. Tāmā'ara'a,
5. Ha'api'ira'a, utuutura'a, piha ha'api'ira'a farapati, fa'a'eta'etara'a tino ...,
6. Tuatāpapara'a i te 'ohipa o taua mahana ra e te tama, tū'atira'a i te mau metua na roto i te puta tū'atira'a,
7. Te utara'a e te fa'aho'ira'a mai te pū fa'ari'ira'a i te fare nohora'a.



6. Fa'anahora'a o te mau pū

a) Te pū « Te Ana Hau » i Pirae : e vai nei i ni'a i te tahi tuha'a fenua huru rahi tei tanuhia i te tumu mā'a, ua fa'a'āpīhia te mau fare i ni'a i teie fenua, e piti huru feiā e fa'ari'ihia nei i 'o nei :

- Te mau tamari'i mai te 6 e tae atu i te 14 matahiti, e pū ha'api'ira'a huma mero mānava,
- Te mau tamari'i mai te 6 e tae atu i te 20 matahiti, e tuha'a ha'api'ira'a e utuutura'a huma mero.

E fa'ari'ihia mai 'outou e te, ra'atira no teie pū, mai te monire i te mahana maha, 07H00 i te 15H00 e te mahana pae 07H00 i te 12H00.

b) Te pū « Tearama » i Paea : E vai nei i te hiti purūmu fa'a'ati i te pae mou'a, e fa'ari'ihia te ta'ata i roto i te mau tuha'a fare tei fa'anaho-māite-hia, e piti huru feiā e fa'ari'ihia mai :

- Te mau taure'are'a mai te 14 i te 20 matahiti i roto i te pū ha'api'ira'a tōro'a no te mau huma
- Te mau taure'are'a mai te 14 i te 20 matahiti tei fa'anahohia 'ei pupu ha'apa'arira'a i te mau 'ite i ha'api'ihia.

O Emilienne CHUNG vahine, te ra'atira pū e nā na ia e fa'ari'i mai i te ta'ata, mai te monire i te mahana maha mai te 07H00 i te 15H00 e te mahana pae mai te 07H00 i te 12H00.

c) Te pū « Tamaru arii » i Taravao : e vai nei i ni'a i te tahi pu'u mou'a e te tuha'a fenua ruperupe maita'i, e fare au maita'i, te fa'ari'i nei te pū « Tamaru arii » e toru huru feiā :

- Te mau tamari'i mai te 6 i te 14 matahiti, o te pū ha'api'ira'a no te mau huma mānava ia,
- Te mau taure'a mai te 14 i te 20 matahiti i roto i te pū ha'api'ira'a tōro'a no te mau huma
- Te mau taure'a huma rau

Te ra'atira o teie pū, e fa'ari'i mai 'o ia i te huira'atira, mai te monire i te mahana maha mai te hora 07H30 i te 15H30 e te mahana pae mai te 07H30 i te 12H30.


d) Te SESSAD (Pū ha'api'ira'a ta'a'ē)

Te vai ra i roto i te pū o "Te Ana Hau" i Pirae e te vai ato'a ra i roto i te pū o "Tamaru Ari" i Taravao. E 'ohipa, 'oia na muri i te mau tama haere ha'api'ira'a CLIS e ULIS mai te 5 o te matahiti e tae atu i te 16 o te matahiti ; mai te 'oire o Mahina e tere atu i te 'oire o Faa'a no te pae Hitia'a o te rā, e, mai te 'oire o Punaaui a e tere atu i te 'oire o Taravao no te pae To'o'ā o te rā.

- E ti'a 'oia ei fa'a'ohiera'a i te mau tamari'i i roto i to ratou ha'api'ira'a.

Te ti'a ha'apa'o no teie tuha'a, nā na e fa'ari'i mai i te huira'atira mai te monire i te mahana maha mai te hora 07H30 i te 15H30 e te mahana pae mai te 07H30 i te 14H30.

E pupu 'orometua 'aravihira'a rau te ha'apa'o i te tamari'i



7. Pupu fa'anaho orara'a

- Ia noa'a māite te vaira'a o terā e terā tino ia au i te mau pupu, e tamaroa ānei aore ra e tamahine ānei, e fifi ānei aore ra aita, e matahitī pa'ari ānei aore ra aita.
- Ua riro te pupu 'ei vāhi fa'anahora'a no te orara'a i roto i te tōtaiete ta'ata. E vāhi faufa'a i reira te mau taure'a'e fāna'o ai i te tauturu o te feiā 'āpī. E vai matara noa te 'ūputa o te pupu o te feiā ha'apa'o no te tauturu i te feiā 'āpī ; e ha'apa'o 'o ia i te fa'anahora'a o te utuutura'a ma'i (utuutura'a, tauturu mānava, utuutura'a o te reo e te mau mero), o te mau 'ōpuara'a ha'api'ira'a e te mau nu'ura'a au maita'i.
- E arata'i te pupu i te mau taure'a i roto i tā na mau mā'imira'a e mau uiuira'a i ni'a i te orara'a rau e te 'ohipa ha'api'ira'a, 'ohipa tū'aro aore ra 'ohipa utuutura'a ma'i.

8. Te mau tau fa'afa'aeara'a ha'api'ira'a e te mau utara'a

- E'ita te mau taure'a o te pū IIME e fāna'o i te fa'afa'aeara'a ha'api'ira'a i te hō'ē ā taime e tō rātou mau tu'āne e tuahine.
- I te tau fa'afa'aeara'a ha'api'ira'a, e'ita te tauturu ha'api'ira'a e fa'aea e e fa'anahohia te tahi mau 'ohipa rau. E vai noa mai te mau fārereira'a a te mau taure'a e tae roa atu i te 'āva'e tiurai i te taote reo, te taote raverave e te utuutu mānava.
- Te parauhia nei e « utara'a » te mau tau i fa'anahohia e te pū IIME i rāpae'au i te mau pū. E taime fa'ata'ara'a i te mau 'ohipa matauhia i te pū nei e te orara'a matarohia i te pū nei.
- E tupu te ha'amatara'a ha'api'ira'a i te 'ōmuara'a o te 'āva'e 'ātete.

9. Tā mātou mau tāvinira'a


Te ha'apa'o nei mātou :



I te 'ohipa ha'api'ira'a
e te 'ohipa tā'aro,



Te ha'api'ira'a
fa'aau e te
au māite,



Te utara'a mai te
vāhi nohora'a i te
vāhi fa'ari'ira'a,



Te tāmā'ara'a i te pū
nei te ha'apa'ohia mai
e te tahī pū
utuutura'a mā'a,

Te 'ohipa
utuutura'a fare.



10. Fa'anahora'a no te fa'aōra'a

- Tītauhia ia fatu mai i te parau no roto mai i te tōmite CTES e ha'apāpū mai i te fa'aōra'a i te pū I.M.E.
- I muri a'e i te hi'opo'ara'a o te pu'e parau a te tama, i reira e ha'apāpūhia ai mai te mea e fa'ari'i hia ānei te tamari'i nei.
- Ia fa'ari'i noa atu te ra'atira i te tama, i reira 'o ia :
 - E fa'ari'i hia i taua ihoā taime i te pū nei mai te mea te vai ra te pārahira'a vata ;
 - E tu'uhia te i'oa o te tama i ni'a i te tahitāpura mai te mea ua 'i te pū i taua taime.
 - E fa'ataehia te pu'e parau a te tama i te tōmite C.T.E.S. ia feruri-fa'ahou-hia te 'āvei'a 'āpī no te tama nei.
- I te taime fa'ari'ira'a i roto i te pū :
E fārerei atu o'rua i te Ti'a ha'apa'o o te tama e tae noa atu te mau mero pupu.
- E ha'amauhia te tahitau "hi'opo'ara'a" e toru 'āva'e i te maoro no te ha'amātaura'a i tā 'oe tama, e te vauvaura'a atu i te tahitāpura'a fa'ata'ahia nō na.

11. E aha te mau parau e titauhia mai ?

1. Hō'ē parau ha'apāpūra'a no roto mai i te Fare turuuta'a CPS (tāreta matie) ;
2. Hō'ē parau ha'apāpūra'a no te parau fa'aaura'a pārurura'a ha'api'ira'a aore ra no te hopoi'a tīvira ;
3. Te puta taote a te tama ;
4. Hō'ē parau fānaura'a aore ra te hō'ē hoho'a o te puta 'utuafare (penei a'e, hoho'a no te parau ha'avāra'a no te mana i ni'a i te tama, te mana ha'apa'o aore ra te ti'ara'a no te hi'ora'a) ;
5. Hō'ē parau ha'apāpūra'a nohora'a, te mau tāpa'o niuniu e te fare rata ;
6. Maha (4) hoho'a pata ;
7. Hō'ē parau 'āfata moni.

12. Te ‘ōpuara’ā no tā ‘oe tama e tō ‘oe vaira’ā

- E ha’amauhia te ‘ōpuara’ā no te tama mā te tauto’ora’ā a na metua, e tae noa atu i te mau ta’ata ato’ā e ō mai i roto i te arata’ira’ā o te tama nei.
- E pāpa’ihia teie ‘ōpuara’ā hou a fa’atae atu ai i te reira ia o ‘rua, ‘inaha ‘o ‘rua na tino mātāmua roa e titau nei i teie ‘ōpuara’ā.
- E hi’opo’ahia teie ‘ōpuara’ā i te mau matahitī ato’ā aore ra i te mau taime ato’ā e titauhia ai te reira, e ravehia te reira mau hi’opo’ara’ā e te mau tuatāpapara’ā i te mau taime fārereira’ā.

E ravehia te reira mau fa’atanora’ā ia au i te maita’i o te tama.



13. Ti'ara'a tō te tama, teie nei ra te vai ato'a ra te mau titaura'a ia na, te vai ra te reira i roto i te fa' aturera'a roto o te pū nei

Ua riro te pū IIIME 'ei vāhi orara'a 'āmui

<i>Ti'ara'a</i>	<i>Titaura'a</i>
E ti'ara'a tō 'u...	Titauhia vau ia...
la fa'aturahia e au : - E tō 'u mau hoa e te feiā pa'ari	Fa'aturahia i te mau fa'aturera'a no te orara'a 'āmui : - Te fa'aturera'a roto.
la fa'aea hau māite : - la 'ore au ia taparahihia ; - E'ita vau e taparahihia ia hape au ; - E'ita vau e fa'a'inohipia.	Fa'aturahia i te mau piha e te mau mauiha'a : - Eiaha e fa'arepo (Vai-mā-ra'a) aore ra ia vāvahi (Vai-maita'i-ra'a) ia au i tō 'u hina'aro ; - Te 'orera'a e tomo i roto i te mau area fa'ata'ahia no te tahi atu mau ta'ata aore ra no te tahi atu mau tuha'a 'ohipa ; - Eiaha e ha'amā'u'a i te mā'a.
No te paraura'a i tō 'u mana'o : - Te anira'a i te tahi fārereira'a ; - Te paraura'a e te mauiui nei au e te hina'aro nei au ia rapa'auhia vau ; - Te fa'a'itera'a i tō 'u mana'o i ni'a i tā 'u 'ōpuara'a.	Fa'aturahia ia vētahi 'ē ta'ata : - Aroha atu ia vētahi 'ē ; - Eiaha e tā'iri, fa'a'ino, aore ra e fa'a'ō'ō ; - Tūo, horo haere noa, māniania ; - Fa'aro'o ia vētahi 'ē ; - Eiaha e 'eīā ; - Fa'atura i te tino ta'ata o vētahi 'ē.
la fa'aro'ohia mai au : - Te fa'a'itera'a i tō 'u mau fifi i te tahi ta'ata pa'ari.	Fa'atura ia 'u iho : - la vai mā noa vau ; - la 'omono vau i te 'ahu au maita'i ; - Fa'ari'i ia rapa'auhia vau ; - Eiaha vau ia ha'amāuiui ia vetahi 'ē.
	Fa'aarahia : I te mau 'ohipa "ino ato'a e fa'atupuhia mai nei i ni'a ia 'u aore ra i ni'a ia vētahi 'ē.

14. ‘O vai tō mātou mau hoa ‘ohipa ?

Te ‘ohipa ‘āmui nei mātou e ;

- Te Fare ha’api’ira’a,
- Te Pū no te ‘Ohipa Tōtiare (D.A.S.),
- Te Tōmite l̄mira’ā Rave’ā Ohipa o te Mau Huma Mero (COTOREP),
- Te Tōmite Fenua no te Ha’api’ira’a Ta’ā’ē (CTES),
- Te Fare Turuuta’ā (CPS),
- te mau ‘oire, te mau pū no te ‘ea...
- Te mau ‘āmuitahira’ā ‘ohipa tū’aro
- Te mau tā’atira’ā e te mau taiete ‘ohipa.

15. Ta matou mau numera ?

Pū fa’aterera’ā : BP 3226, 98713 Papeete – TAHITI, Porinetia farāni.
Niuniu (689) 40 50 83 90
Rataura : secretariat@iime.pf

Pū no Pirae : Niuniu (689) 40 54 17 70
Rataura : teanahau@iime.pf

Pū no Paea : Niuniu (689) 40 43 85 60
Rataura : tearama@iime.pf

Pū no Taravao : Niuniu (689) 40 54 71 65
Rataura : tamaruarii@iime.pf

SESSAD : Niuniu (689) 40 54 17 74
Rataura : sessad@iime.pf

Tā'u mau parau

l’oa fēti’i – l’oa tāpiri o te ti’ā ha’apa’o o tā ‘u tama :

Matahiti :

Matahiti :

Matahiti :

I'oa o te pupu ha'api'i'ra'a :

Matahiti :

Matahiti :

Matahiti :

Tai'o mahana e te hora o te mau 'āpo'ora'a no tā 'u tama :

Parau ri'i huru rau :